

# AGENDRE FA'AMATE YESU ( Jumat Agung ) 03 April 2026

---

## 1. FANGOWAI BA FOGAONI

*(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).*

- Fangowai** :
- SA** : Ya'ami banua niha Keriso. Fa'owuloda ma'ökhö ba wamalua Fanörö tödö "Fa'amate Zo'aya ya'ita Yesu Keriso" ba wangöhöli ya'ita ba horöda. Ma'owai ami: Ba döi Zo'aya. Ya'ahowu ami fefu !
- SATO** : Ya'ahowu !
- SA** : Ya faofao khömi Lowalangi...
- SATO** : Ya fao Khöu Geheha-Nia
- Fogaoni** :
- SA** : Da tasuno Lowalangi Amada, si no manehögö ono-Nia omasiö, mate ba röfa Salahida, da möi ita ba wamalua fasumangeta khö Lowalangida. Tasuno Ia,manunö ita moroi ba Mbuku Zinunö **numero 99**

### 99. HE YESU, NIFORÖFA

Lala : He niha Gulidanö ( No. 90 )

do = f 4/4

MM = 88 - 96

1. He Yesu, niforöfa, ba hili Gologata, he-wa ' ae lö sala.  
Fahöna wango ' aya, la ' osö nasa danga, irege mate ba röfa.
2. He Yesu, niforöfa, si lö irai fasala, sagötö fa' ara.  
Solo' ö li Yehowa, ba wangorifi niha, gofu hadia soi ira.

## 2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):  
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....
- SATO** : YADUHU
- SA** : Melahede-hede'ö Ia, ba lö ifuli ihede-hede'ö; me lafakao Ia, ba lö ifangaha wolau balö, Ibe'e ba danga zangatulö'ö fanguhuku andrö. YADUHU.....
- SA** : **Manunö** : BZ. : 452
- YADUHU.... YADUHU.... YADU...HU.....
- SA** : Mangandrö ita :  
He Yehowa Lowalangi, Ama sahakhö tödö siso ba zorugo yawa. Moroi ba wa'omasi-Mö, wa no Ölulu nono-U omasiö ba danga zokhö horö: te'o'aya, tefakao, teforöfa ba mate ba wangöhöli ya'aga. Fahaö ndra'aga, fa'aboto ba dödöma wa khöma manandrösa wa'amate-Nia. Abölö'ö ndra'aga ba wanara lahe Zo'aya, ba wolu'i rökama, ena'ö lö faröi ndra'aga irugi gamozua götö danö andre. Yaduhu. **(Mudadao zato)**

## 3. MANUNÖ moroi ba Mbuku Zinunö Numero 104

### 104. NO SA TEFORÖFA YESU

Lala : Hezo Yesu Somasido ( No. 186 )

do = d 3/4

MM = 69 - 76

1. No sa, teforöfa Yesu, börö horö nilaugu.

Nofahöna ae zalagu, nilaugu si lö faudu.

No abu sibai dödögu, ba ngawalö horögu.

Ha Yesu dötönafögu, sangefa ' ö ba huku.

2. No itaögö zagafökhö, Yesu yaŵa ba röfa.

No ya' odo zamobörö, tefakao zi lö sala.

Na u' angeragö fefu, nilaugu si lö göna.

Mangesa sibai dödögu, fa usöndra wangefa.

#### 4. FOMBASO TAROMA LI LOWALANGI FAMÖRÖGÖ (AF)

: Da tafondrongo daroma Li Lowalangi, tehalö moroi ba zura **Sinunö 22:1-12**

1. **Khö duka wanunö andrö. Dali: "Böhö si alawe, na moluo."** Sinunö; khö Dawido.

2. **He Lowalangigu! He Lowalangigu! Hana wa no ö'erogö ndra'o? No aröu ndra'ugö, ba wangorifi ya'o ena'ö ba ba wamondrongo ligu, fangaröngarögu andre.**

3. **He Lowalangigu! Mu'ao ndra'o, na ma'ökhö, ba lö ötema ligu, ba ba zi bongi, ba lö falukha wondrara dödü.**

4. **Ba ni'amoni'ö sa atö ndra'ugö, sidadao yawa wanunö Ndraono Gizeraëli andrö.**

5. **Khöu manötöna ndra tuama föna, ladönadöna, ba no ö'orifi ira.**

6. **Ya'ugö la'angaröfi li, ba lasöndra wangorifi; khöu ladönadöna, ba lö si te'ailaisi ira.**

7. **Ba ya'odo, ba no kukuö ba tenga niha; fama'iki niha ndra'odo ba si lö ba dödü zato!**

8. **La'o'aya ndra'o dozi sangila ya'odo, labobo mbawara ba lafalikhö ira.**

9. **"Be'e balazi Yehowa! Yamu'orifi ia, yamu'efa'ö; i'omasi'ö sa atö ia."**

10. **Ya'ia, ya'ugö zanöbi ya'odo mege moroi ba dalu ninagu, ba lö sabu dödügu, ba mbalö meme ninagu, öbe'e.**

11. **Ya'ugö dötönafögu, i'otarai dalu ninagu; i'otarai ba gaheta ninagu, ba Lowalangigu ndra'ugö.**

12. **Böi aröu'ögö khögu, me no ahatö wa'atosasa, lö'ö sa sangorifi.**

Simanö daroma Li Lowalangi, da tatema'ö faoma sinunö: **BZ.Numero 103: 1**

### 103. TATÖRÖ TÖDÖ ZO'AYA

Lala : Töngöni Yesu So'aya ( No 98 )

do = f 4/4

MM = 84 – 92

1. Tatörö tödö Zo 'aya, sangorifi ya' ita.

Fa'omasi no fahöna, si lö famaedo-Nia.

Itaögö mate ba röfa, ba wangorifi ya'ita, fa böi sa 'ae te' ala. I 'ohe khöda wangefa, nibe ' e Lowalangida, ena 'ö auri ita.

#### 5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödüda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

**Mangandrö ita :**

He Lowalangi, sangila ere'era dödü niha, awö nilaura fefu ! No aboto ba dödüma, Wa böro horöma soya sibai, si no to'ele khö-U ba zorugo, wa no Öhare'ö khö Nono- U omasiö ngawalö lualua horö si göna khöma ena'ö, ya'ia wamakao soya, ba Fango'aya, awö wangailasi, ba fa'amate ba röfa si no fondrege wa'afökhö. Ma'andrö Khö-U, a'asogö ba dödüma wamati saro, ena'ö manandrösa khöma, zi no Itaögö Yesu Keriso, fa tola te'orifi ndra'aga, aefa ba wönu-Mö ba luö safuria. Bologö Dödö-U khöma ba be'e aefa khöma horöma.

- SATO** : Mangandrö ba dödö zamösana föna Lowalangi.....1 irugi 2 meniti.  
**SA** : Hakhösi dödö-U khöma Ama, ba be'e aefa khöma horöma andrö ma'afefu...Yaduhu.  
**SATO** : Manunö : BZ. Numero 224 : 1

## 224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

- SA** : **Turia Wangefa horö** : "Ba no lalöda sa mbörö, wa tefesokho Ia, ba horöda mbörö, wa terasa Ia. Ya'ia zolu'i huku, ena'ö sohahau tödö ita, ba moroi ba zokho-Nia, wa no döhö wökhöda. LAKHÖMI KHÖ LOWALANGI SI YAWA.....

- SATO** : Manunö:

## 450. BA FA'ATULÖ BA GULIDANÖ

do = d 4/4

MM = 74 - 84

1. Ba fa 'a tulö ba gulidanö ba niha ni'omasi 'ö andrö

(mudadao zato)

## 7. FOMBASO WAÖWAÖ WAMAKAO YESU

- : Da tafondrondrongo waöwaö wamakao Zo'aya ya'ita Yesu keriso

1. Manunö moroi ba BZ. No 98:1

## 98. TÖNGÖNI YESU SO' AYA 1

do = f 4/4

MM = 84 - 92

1. Töngöni Yesu So ' aya, ba kabu Gezemane

Me mangalulu tou Ia, ba wangandrö khö Nama.

"Na so khö-U lala he Ama, böi Utörö böi alua, wanguhuku ba röfa.

Böi somasiDo itörö, ya alua zomasi ' Ö, fefu li-Mö U ' o ' ö."

+ Fombaso Matai'o 26 : 36-46

36. Ba irugi Yesu halama, Gezemane döinia, fao ira khönia. Ba imane khö ndra nifahaö: Midadao ba da'e, fatua möido ba da'ö, ba wangandrö.  
 37. Ba i'ohe awönia Wetero, ba ono Zebedaiö andrö, si darua, ba ibörötaigö abu dödö ba alangu dödö.  
 38. Ba imane khöra: Abu sibai dödögu, irugi wa'amate; mi'iagö da'e, böi miförö, awögu.  
 39. Ba möi ia, lö aröu, ifalögu ia tou, mangandrö ia, imane: He Ama, na so lala, ba yamutalu'i ndra'o mako andrö. Ba böi somasi ndra'o, ha somasi ndra'ugö.  
 40. Ba möi ia khö ndra nifahaö andrö, ba no mörö ira, me irugi, ba imane khö Wetero: Ba tebai si lö mörö ami mato saza, awögu?  
 41. Böi miförö, ba miangandrö, fa lö itörö ami fanandraigö. Aoha sa gölö dödö, ba no sambö fa'abölö nösi.  
 42. Ba ifuli möi, zamuzä tö, mangandrö ia, imane: He Amagu! na te'ai italu'i ndra'o, fa lö ubadu ia, ba ya'itörö zomasi ndra'ugö.  
 43. Ba me ifuli ia ba noa zui mörö ira, me irugi, noa sa abua guli höröra.

44. Ba irōi ira, ifuli mōi mangandrō, no medōlu, si manōmanō linia.  
 45. Aefa da'ō, ba mōi ia khō ndra nifahaō andrō, ba imane khōra: Ba mifōrō sa'ae, ba mi'olombase! — Hiza, no fadege, fa tebe'e ba danga niha si so horō Nono Niha.  
 46. Mifaoso, talabu, hiza no ahatō zi manga mbōligu andrō.

2. Manunō moroi ba BZ. No 98:2

## 98. TÖNGÖNI YESU SO' AYA

2. Töngöni Yesu So' aya, sabu tödö wangandrō.  
 Me tehare' ö khō-Nia, fefu ngawalö horö.  
 Ilu' i fefu horöda, fa lö alua tatema, wönu Lowalangida.  
 Alua mböböi Zo' aya, do si' oroi mboto-Nia, mowöiwöi tou ba danö.

+ Fombaso Matai'o 26 : 57-67

57. Ba la'ohe Yesu sondra'u ya'ia andrō, la'ohe khō gere sebua andrō, Kayafa, ba zi falukha zangila amakhoita ba satua mbanua andrō.  
 58. Ba i'o'ö Fetero, arōu moroi furi, irugi golayama gere sebua andrō, ba mōi ia bakha, dumadao ia ba ngai genoni, ba wamaigi lualua.  
 59. Ba la'alui ere sebua ba salawa rafe sebua andrō fefu, he lawisa wamöbögö horö khō Yesu, ba wamunu ya'ia,  
 60. ba lö lasōndra, he wa'ae ato zi so samöbögö, sofaya. Ba ba gafuriata, ba darua zi so,  
 61. lamane: No iwa'ö da'ö: U'ila ududugö gosali Lowalangi andrō, ba ha tölu ngaluo u'angotomosi'ö.  
 62. Ba maoso gere sebua, imane khōnia: Hadia, lö ötema li ba niböbögö da'e khōu?  
 63. Ba lö hedehe Yesu. Ba humede gere sebua, imane khōnia: Ube'e ba hōlu ndra'ugö, khō Lowalangi sauri andrō, ena'ö öwa'ö khōma, na Keriso andrō ndra'ugö, Ono Lowalangi.  
 64. Imane khōnia Yesu: Ya'ia niwa öu. Ono Lowalangi ndra'odo. Ba uwa'ö khōmi, i'otarai da'e, ba mi'ila, dumadao Nono Niha ba gambölö wa'abölo andrō, ba mi'ila so ia moroi sa, ba dete lawuo, ba mbanua si yawa.  
 65. Awena isika nukhania ere sebua, imane: No mangaohangaoha ia! Hadia guna zi so ba mbörö sa'ae khōda? hiza, faefá mirongo wangaohangaoha andrō.  
 66. He wisa ba dödümi? Ba latema linia, lamane: Huku tamunu hukunia.  
 67. Ba ladidiloi mbawania, lagukhui ia, ba so göi zamalisi bawania

3. Manunō moroi ba BZ. No 98:3

## 98. TÖNGÖNI YESU SO' AYA

1. Töngöni Yesu So' aya, mē no lara' u Ia.  
 La' ohe föna zalaŵa, latandraŵaisi Ia.  
 Ba lafalali nahia, oi lafakao, la' o' aya, lafabözi' ö Ia.  
 Itaögö fefu Itaha, he oi mangele ndro-Nia, lö hedehe-Nia.

+ Fombaso Matai'o 27 : 31-50

31. Ba me no aefa la'o'aya ia, ba laheta khōnia mbaru luo andrō, ba lafonukha ia nukhania, ba la'ohe ia misa, ba wamorōfa ya'ia.
32. Ba me mōi ira baero, ba falukha ira niha, banua Girene, Simoni dōinia, ba lara'u da'ō, ba wolohe rōfania.
33. Ba me larugi naha andrō, sotōi Gologota
34. sokamu'u geluaha — ba lafabadugō khōnia nagu nifaruka awōkhu, ba me no itandra, ba lō edōna ibadu.
35. Ba me no laforōta ia, ba lafosasi nukhania, fadahōdahō ira.
36. Ba dumadao ira, manaro ya'ia ba da'ō.
37. Ba labe'e yawa hōgōnia mbōrō wa'amatenia, sura: "Yesu da'e, razo niha Yehuda."
38. Ba laforōfa awōnia zamara'u, darua, samōsa ba gambōlō ba samōsa ba gabera.
39. Ba latandrawaisi ia sanōrō, lafalikhō ira,
40. ba lamane: He sanudugō osali andrō, ba sangotomosi ya'ia, si ha tōlu ngaluo, orifi ndra'ugō, na Ono Lowalangi ndra'ugō; ba ae tou moroi ba rōfa andrō!
41. Si manō gōi ndra ere sebua, la'o'aya ia, awō zangila amakhoita awō zatua mbanua andrō, lamane:
42. Niha bō'ō, ba no i'orifi, ba tebai i'orifi ia. Razo Ndraono Gizeraēli ia, yamōi tou iada'e moroi ba rōfa, ba mamati sa'ae ita khōuia.
43. No faduhu dōdōnia khō Lowalangi, ba yamu'efa'ō ia da'ō iada'e, na i'omasi'ō ia: noa sa iwa'ō: Ono Lowalangi ndra'o.
44. Ba si manō gōi zamara'u andrō, niforōfa awōnia, wanandrawaisi ya'ia.
45. Ba i'otarai laluo, ba tobali ogōmigōmi ba danō ma'asagōrō, irugi labōzi tōlu.
46. Ba so labōzi tōlu, ba mu'ao Yesu, ebua li, imane: Eli! Eli! lema sabakhtani? He Lowalangigu! He Lowalangigu! hana wa no ō'erogō ndra'o? geluahanua.
47. Ba lamane ōsa, si so ba da'ō, me larongo da'ō: Mogaoni Eliya da'ō.
48. Ba i'anema'ō fagohi zamōsa khōra, ihalō rabo, ifo'ōsi niro aisō, ibe'e ba mbalō zukhu ba ifabadugō khōnia.
49. Ba lamane tánō bō'ō: Bōi ua! datafaigi, na mōi Geliya, ba wangorifi ya'ia.
50. Ba ifuli mu'ao Yesu, ebua li, ba aetu noso.

4. Manunō moroi ba BZ. No 98:4

## 98. TÖNGÖNI YESU SO' AYA

2. Tōngōni Yesu So' aya, ba Hili Gologata.  
Me no aetu huku-Nia, ba la' osō ba rōfa.  
He wā' ae lö nisōndrara, horō awō golalōwa, ba no lahuku Ia.  
Fefu da' ö no Itaögō, fa tobali samatōrō, si lö tebulōbulō.

+ Fombaso Taroma Li Lowalangi nibaso föna huhuo (AB) Tehalō moroi ba zura **I Yohane 4:11-21**

11. He ya'ami ni'omasi'ō! na no imanō wangomasi'ō ya'ita Lowalangi, ba

- mo'ömō gōi ita fangomasi'ō awōda.
12. Samōsa lō niha si no irai mangila Lowalangi; na ta'omasi'ō nawōda, ba lō tebulō ia ba dōdōda, ba mo'ahonoa ba dōdōda wangomasi'ōda ya'ia.
  13. Ba da'ō aboto ba dōdōda, wa lō tebulō ita ba khōnia, awō wa lō tebulō ia ba dōdōda, me no ibe'e khōda Gehehania andrō, ōsa.
  14. Ba no anehe ndra'aga ba mafaduhu'ō, wa no ifatenge Ama Nononia, sangorifi ōsi guli danō.
  15. Na so zanehe, Ono Lowalangi Yesu, ba ba dōdōnia lō tebulō Lowalangi, ba ya'ia, ba lō tebulō ba khō Lowalangi.
  16. Ba no aboto ba dōdōda wa'omasi Lowalangi ita, ba no faduhu dōdōda ba da'ō. Lowalangi, ba no fa'omasi, ba lō tebulō ba khō Lowalangi zi lō tebulō ba wa'omasi andrō, ba lō tebulō Lowalangi ba dōdōnia.
  17. Ba da'ō mo'ahonoa wa'omasi andrō khōda, fa lō ata'u ita, na luu wanguhuku andrō, me no si mane ya'ia gōi ita, ba guli danō andre.
  18. Lō fa'ata'u ba wa'omasi andrō, ifofanō sa wa'ata'u fa'omasi si no mo'ahonoa, me no fa'afōkhō wa'ata'u; ba sata'u ba lō mo'ahonoa na ba wa'omasi.
  19. Ta'omasi'ō ia, me no ofōna i'omasi'ō ita.
  20. Na so zanguma'ō: Omasido Lowalangi, ba na fatiu dōdōnia ba dalifusōnia, ba sofaya ia; Si lō mangomasi'ō talifusōnia sa, ni'ila hōrōnia, ba tebai omasi ia Lowalangi, si lō i'ila hōrōnia.
  21. Ba da'ō gorōisa, nibe'enia khōda, ena'ō i'omasi'ō gōi dalifusōnia sangomasi'ō Lowalangi.

Ya'ahowu zamondrongo taroma Li Lowalangi ba Same badōdō...

**8. SA+SATO  
FASÖMBATA  
SA**

- : Yaduhu
- : Iada'e tebe'e khōda ginötō ba wolohe fasömbata khō Lowalangi. Ta'osamuzaigō wame'e, he fasömbata si föfōna, ba simanō gōi zi mendrua awō zi medölu. Ba si föfōna ua da tafondrondrongo Li Lowalangi me imane:
- ❖ Ba da'ō niwa'ō-Gu: Na so zangatalisi tanömō, ba lō oya'oya ibasi, ba na so zi lō alimagō tanömō, ba oya gōi ibasi dania. Ba balazi dōdō zamōsana; böi abu dōdō, ba tenga ni forege; si no aoha gölö fame'e, da'ō sa zomasi Lowalangi. (II Korindro 9:6-7)

Tafa'ema wasömbata khō Lowalangi, manunō ita moroi ba Mbuku Zinunō  
**Numero 106**

**106. RÖFA YESU, RÖFA YESU 1**

do = bes 3/4  
MM = 88 - 96

1. Rōfa Yesu, rōfa Yesu, wangorifi niha fefu.  
Ha Ya ' ia zangefa ' ö, ya ' ita sawuyu horö,  
taya gabula dōdō.
2. Rōfa Yesu, rōfa Yesu, dötōnafö si lö aetu.  
He niha si no mosala, mane Baraba mefōna,  
lö a' ozu tehuku.
3. Rōfa Yesu, rōfa Yesu, wangeheta sala fefu.  
Horö fana' unöi dōdō, ha do Yesu wangehaogö,  
fanasai, fangatulö.
4. Rōfa Yesu, rōfa Yesu, dandra wa' omasi-Nia.  
Ilaŵa fefu nududa, amuata si tohōna,  
Oi Ibe' e te' ala.
5. Rōfa Yesu, rōfa Yesu, zangohahauni tödōda.  
Na aro wanötōnada, na göna wasöndratada,  
ba tasöndra wemōna.
6. Rōfa Yesu, rōfa Yesu, da' ö zaŵatö dōdōda.

He tosasa gera' era, he akao lö lingalinga,  
ha Yesu lembalemba.

- SA** : *Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö ( irama lagu ).Fatua lö möi ira wolohe föna, ba imane Sangai Agendre:)*  
“Da tafasao wasömbatada andre föna Lowalangi,.....Muzizio ita fefu.....  
Manunö ita moroi ba Mbuku Zinunö numero 261

## 261. YA'E ZUMANGE <sup>1</sup>

do = d 4/4

MM = 62 – 68

**Ira'alawe**

1. Ya 'e zumange fasömbata, ma 'ohe sumange Yehowa.

**Iramatua**

*Reff* :Ma'andrö khö-U fahowu'ö zumange ni 'o-hema khö-Mö

2. Ya'e zumange fasömbata mabe'e soroi ba dödöma.

*Reff* : Ma'andrö khö-U ....

3. Ya'e zumange fasömbata buala si'otarai Nama.

*Reff* : Ma'andrö khö-U ....

4. Ya'e zumange fasömbata, boto, noso, ba fa'aurima

*Reff* : Ma'andrö khö-U ....

5. Ya'e zumange fasömbata, lö irugi zomasi dödö-U.

*Reff* : Ma'andrö khö-U ....

6. Ya'e zumange fasömbata, ma'aohasi gölö Zo'aya.

*Reff* : Ma'andrö khö-U ....

- FANGANDRÖ** : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasawwamasi, btm ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*) **Mudadao Zato**

## 9. KOOR/VOKAL GROUP

- SA** : Da tafaogö dödöda ba wanuno Lowalangi faoma sinunö ni'olohesi:  
Koor ba Vokal Group
- Koor Jemaat
  - Kegiatan Sektor 1
  - Kegiatan Kom.Bapak
  - Kegiatan Koremda
  - e.

## 10. MANUNÖ

- SA** : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

## 163. UHONOGÖ SIBAI DÖDÖGU

do = a, 4/4

MM = 76 – 82

1. Uhonogö sibai dödögu ba wamondrondrongo li Mö Yesu

Mangalulu ndra'odo föna-U ba gametahö-Mö ia da 'a

Öbayoini Eheha-U Yesu dozigö mbanua samati khö-U.

Ubokai dödögu khö-U Yesu nahia daroma li-U.

Taroma li-Mö lö fa'atebulö menewi ma 'ökhö ba si 'ogötö'ö lö sa mamalö.

Taroma li-Mö si möi fangabölö utema 'ö soroi ba dödö, tolo ba wolo 'ö.

## 11. HUHUA SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- Fombaso taroma Li Lowalangi **Matai'o/Matius 27:45-56 (Tuho:Duhu wa**

*Yesu andrö Ono Lowalangi / Sungguh Yesus adalah Anak Allah)*

- b. Fanuriaigö
- c. Nitanö ba dödö. **I Yohane / 1 Yohanes 4:15** *(Na so zanehe, Ono Lowalangi Yesu, b aba dödömi lö tebulö Lowalangi, ba ya'ia, ba lö tebulö ba khö Lowalangi. / Barangsiapa mengaku, bahwa Yesus adalah Anak Allah, Allah tetap berada di dalam dia dan dia di dalam Allah.)*
- d. Fangandrö Fanga'aro'ö huhuo

**SATO** : Manunö : BZ. Numero 154 : 1

### 154. NO MAFONDRONGO LIU<sup>2</sup>

do = es 4/4

MM = 96 - 104

1. No mafondrongo li-U, Lowalangi So ' aya.  
Tanö ba dödöma ia, fa böi olifuga.  
Fahowu 'ö ia khöma, ena ' ö ohahau dödöma fefu.  
Heta ba dödö zi lö sökhi, ma'o ' ö niwa 'ö-U.

### 12. TUHO WAMATI

**SA** : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
  - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
  - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

### 13. ANGOMBAKHATA BA MBANUA NIHA KERISO

**SA** : Da tafondrongo gangombakhata:.....

#### MANUNÖ

**SA** : Manunö ita moroi ba Mbuku Zinunö **numero: 95 ayati 1-2**

### 95. HA SAMBALÖ ZI NO AMAEDOLA<sup>1</sup>

do = g 4/4

MM = 96 - 104

1. Ha sambalö zi no amaedola, göda bongi ma' ökhö.  
Si tobali fangahono dödö, ba wekoli ba danö.  
Na tatöngöni Yesu So ' aya, si no mangomasi ' ö ya ' ita.  
Si no mate ba röfa, ba wolo ' ö li Nama.
2. Yesu zi tobali biribiri, fangatulö khö Nama.  
Ya' ia zi no manaögö huku, salahida ba röfa.  
Andrö wa oi te' orifi ita me no Ihöli fefu horöda.  
Oi khöda manandrösa, fefu nitaögö-Nia.

### 14. FANGANDRÖ SALAHI + FAMATENGE + HOWUHOWU

**SH** : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

**SH + SATO** : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abolö, awö lakhömi, irugi zi lö aetu. Yaduhu

**SH** : **FAMATENGE + HOWUHOWU** :  
 Mi'angawuli si fao fa'ohahau dödö, ya tobali ami sura Keriso, samaduhu'ö Ya'la ba Lala wa'aurimi sero ma'ökhö, ba mitema (tatema) howuhowu Lowalangi :  
 ❖ Ya mufahowu'ö ami/ita Lowalangi, Ya murorogö ami/ita  
 ❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda  
 ❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

**SATO** : Manunö BZ.Numero **188 ayati 1**  
**188. YESU, ONO LOWALANGI**  
 Lala : Ya'wa Ba Zomuso Dödö ( No. 429 )

do = d 3/4

MM = 88 - 96

1. Yesu, Ono Lowalangi, ha Ya ' ugö za'watögu sindruhu.  
 No oya golalöwagu, böi tehe tobali fanguhukugu.

**SH** : YA'AHOWU

**SATO** : YA'AHOWU